

Bosna i Hercegovina, Generalno tajništvo Vijeća ministara, Trg Bosne i Hercegovine broj 1, 71000 Sarajevo, kojeg zastupa generalni sekretar mr. Robert Vidović (u daljem tekstu: Ugovorni organ)

i

Euridica d.o.o., Vase Pelagića 58, Banja Luka, kojeg zastupa Nebojša Bulatović, (u daljem tekstu Ponuđač)

U G O V O R

o nabavci Projekta usluge pripremnih radnji, snimanja i davanja preporuka za širenje aktualne implementacije standarda i procedura shodno ISO certifikaciji

Član 1.

(Predmet ugovora)

Ugovorne strane saglasno utvrđuju da je Ponuđač **Euridica d.o.o., Vase Pelagića 58, Banjaluka** odabran kao najpovoljniji ponuđač za nabavku usluga Projekta usluge pripremnih radnji, snimanja i davanja preporuka za širenje aktualne implementacije standarda i procedura shodno ISO certifikaciji, a na osnovu konkurentskog postupka za dostavu ponuda za nabavku Projekta usluge pripremnih radnji, snimanja i davanja preporuka za širenje aktualne implementacije standarda i procedura shodno ISO certifikaciji, broj: 06-16-3-2478-2/23 od 29.10.2023. godine.

Član 2.

(Cijena)

Ukupna cijena ponude na godišnjem nivou, bez poreza na dodanu vrijednost, iznosi 42.735,05KM (slovima: četrdesetdvijehiljadesedamstotinatridesetpet i 05/100KM), a sa uračunatim porezom na dodatnu vrijednost iznosi 50.000,00KM (slovima: pedesethiljada i 00/100KM).

Svi elementi cijene ponude koji sačinjavaju ukupnu vrijednost ugovora su nepromjenljivi u toku trajanja ugovora.

Član 3.

(Rok isporuke)

Rok za izvršenje usluge je 120 (stotinudvadeset) dana od dana potpisivanja ugovora, uključujući sve potrebne radnje u skladu s gore navedenom specifikacijom – Aneks 2.

Član 4.

(Obaveze ponuđača)

Obaveze Ponuđača jesu sljedeće:

1. da usluge koje su predmet Ugovora izvrši kvalitetno prema standardima struke;

2. da sa Ugovornim organom napravi detaljan vremenski plan za izvršenje Projekta;
3. da Ugovornom organu u roku od 120 (stotinudvadeset) dana od dana potpisivanja ugovora dostavi sve dokumente koji su definirani Aneksom 2.;
4. da po stupanju na snagu ovog ugovora odredi stručnu osobu koja će koordinirati obaveze iz Ugovora.

Član 5.

(Obaveze ugovornog organa)

Obaveze Ugovornog organa jesu sljedeće:

1. da prati i nadgleda pružanje usluge na temelju definirane specifikacije;
2. nadgleda i po okončanju posla primi pružene usluge;
3. da Pružatelju usluga omogući pristup svim informacijama, resursima i kapacitetima Ugovornog organa neophodnim za izvršenje predmetnih usluga, te da osigura dostupnost potrebnih ulaznih parametara, ukoliko tražene informacije nisu u suprotnosti sa globalnim sigurnosnim informatičkim politikama;
4. plati Pružatelju usluga, na osnovu ispostavljenog računa za pružene usluge i potpisivanja Primopredajnog zapisnika od strane ovlaštene osobe Ugovornog organa koji će sadržavati kvantitativno/kvalitativni prijem usluga;
5. po stupanju na snagu ovog ugovora odredi stručnu osobu koja će koordinirati obaveze iz ugovora.

Član 6.

(Mjesto isporuke)

Mjesto isporuke usluge je: Generalni sekretarijat Vijeća ministara BiH, Trg Bosne i Hercegovine broj 1, 71000 Sarajevo.

Član 7.

(Garancija za uredno izvršenje ugovora)

(1) Kupac utvrđuje garanciju, bezuslovnu bankovnu garanciju za dobro izvršenje posla – Ugovora na iznos od 10 % (deset posto) od vrijednosti Ugovora (vrijednosti najpovoljnije ponude), odnosno u iznosu od 5.000,00KM slovima: pethiljada i 00/100KM u skladu sa tenderskom dokumentacijom sa periodom važenja rok

izvršenja ugovornih obaveza + 30 dana, od momenta zaključenja ugovora, naplativom na prvi poziv i bez prava prigovora.

(2) Prodavac je obavezan garanciju za uredno izvršenje Ugovora predati Kupcu u roku od 10 dana od dana zaključivanja Ugovora.

(3) Garancija za uredno izvršenje Ugovora dostavlja se u originalu i ne smije biti ni na koji način oštećena.

(4) Ukoliko garancija za uredno izvršenje Ugovora nije dostavljena na propisan način, shodno uslovima iz tenderske dokumentacije i u roku koji je odredio ugovorni organ, zaključen ugovor će se smatrati apsolutno ništavim. U tom slučaju Kupac će ponuditi zaključivanje Ugovora drugorangiranom prodavcu.

(5) Ukoliko ne nastupi ni jedan od slučajeva koji bi zahtjevao realizaciju garancije za dobro izvršenje Ugovora, Kupac vrši povrat garancije Prodavcu.

(6) Bezuslovna bankarska garancija za uredno izvršenje Ugovora će se aktivirati u punom iznosu i poslužiti će za pokrivanje stvarne štete i troškova koje Kupac može imati ukoliko Prodavac ne izvršava ili neuredno izvršava odredbe zaključenog Ugovora.

(7) U slučaju da Prodavac neispunjava ili neuredno izvršava sporazumom dogovorene obaveze, Kupac je dužan da dostavi pisano obavještenje o svakom navodnom propustu izabranog Prodavca da postupi po potpisanom Ugovoru, a ukoliko izabrani Prodavac u razumnom roku ne otkloni navedene nedostatke, Kupac može realizirati bankovnu garanciju, kao i djelimično ili potpuno raskinuti ovaj Ugovor.

Član 8. (Plaćanje)

Plaćanje se obavlja na osnovu ispravne fakture ponuđača, za uredno izvršenu isporuku usluga, u roku od 15 (petnaest) dana od dana potpisivanja Primopredajnog zapisnika od strane ovlaštene osobe Ugovornog organa koji će sadržavati kvantitativno/kvalitativni prijem usluga. Ponuđač će ispostaviti fakturu u KM (konvertibilnim markama).

Član 9. (Porezi)

Ponuđač je odgovoran u potpunosti za sve poreze, takse, dozvole, odobrenja i ostale zakonske obaveze koje nastanu do momenta isporuke usluge Ugovornom organu.

Član 10. (Prelazne i završne odredbe)

Ugovorne strane su saglasne da Ponuđač nema pravo, u svrhu izvršenja ugovora, zapošljavati fizička i pravna lica koja su sudjelovala u pripremi tenderske dokumentacije ili su bili članovi ili stručne osobe koju je angažovala Komisija za nabavku u postupku koji je prethodio ovom ugovoru, najmanje 6 (šest) mjeseci po zaključenju ugovora.

Član 11.
(Rješavanje sporova)

Svaka ugovorna strana može pokrenuti postupak raskida ugovora ako druga strana ne izvršava preuzete utvrđene obaveze, uz otkazni rok od 30 dana.

Član 12.
(Raskid ugovora)

- (1) Ako jedna ugovorna strana ne ispuni svoju obavezu, druga strana može zahtijevati ispunjenje ugovornih obaveza ili raskinuti ugovor, a u svakom slučaju ima pravo na naknadu štete.
- (2) U slučaju raskida Ugovora, shodno će se primijeniti odredbe Zakona o obligacionim odnosima kojima se reguliše dejstvo raskida ugovora.

Član 13.
(Zaključivanje Ugovora)

- (1) Ugovor se smatra zaključenim kad ga potpišu obje ugovorne strane, i važi godinu dana od dana potpisivanja;
- (2) Ovaj ugovor je sačinjen u pet istovjetnih primjeraka, dva za Ponuđača, dva za Ugovornog organa i jedan za Pravobranilaštvo BiH.

PONUĐAČ

EURIDICA D.O.O.
BANJA LUKA

Broj 01-17559/23

Banja Luka, 17.11.2023. god.

UGOVORNI ORGAN

GENERALNO TAJNIŠTVO
VIJEĆA MINISTARA BIH

Broj: 06-16-3-2478-11/23

Sarajevo, 31.10.2023. god.